



O que non canta nin baila
qué vai facer á ruada.
O que non canta nin baila
qué vai facer á ruada.
Vai ter man do paredón,
vai ter man de que non caia.

VI 1671a

Heiche de dalo boi pardo
e maila vaca marela.
Heiche de dalo boi pardo
e maila vaca marela,
a maila filla máis nova
se non quere-la máis vella.

Chamáchesme moreniña,
era do polvo da eira.
Chamáchesme moreniña,
era do polvo da eira.
Xa me verás pa domingo
coma rosa na roseira.

O caravel cando nace
chámanlle caraveliño.
O caravel cando nace
chámanlle caraveliño.
Tamén os fillos dos curas
chámanlle ó pai señor tío.